

tota Ecclesia latis.²⁸ Postea Vicarii Apostolici exigunt omnes obligationes parochorum a Franciscanis in cura pastoralis, nomine parochorum eos appellant, non vero missionariorum. Episcopus Dragičević conqueritur apud S. C. de Propaganda fide de provinciali Bosnae Argentinae fr. Marco Dobretić, qui parochos amodo missionarios vocari praecepit, parochias vero stationes missionarias, capellanos autem seu coadjutores cathedistas nominavit.²⁹ Ipse insurgit contra talem agendi modum, quia sic parochi effugere possent onera sui ministerii.³⁰ Episcopus vero fr. Raphael Barišić non semel S. C. de Propaganda fide scripsit in Bosna

²⁸ Inspiciantur Acta S. Congregationis occasione emanationis decretorum a. 1624, 1645, 1658, praecipue 1673, 1676 de quibus jam suo loco locutus sumus; deinde defensionem iurium episcopalium episcopi Ogramić, *Archivum Prop.*, *Scrit. Orig. Rif.* a. 1672, v. 436, f. 365r—366v.

²⁹ Fr. Marcus Dobretić, qui fuit primus provincialis divisae provinciae Bosnae post a. 1757, qui et theologiam moralem sacramentalem lingua croatica conscripsit, vidit rationem missionis in Bosna in eo quod non existebant ibi parochiae beneficiatae cum certis proventibus et parochis inamovibilibus. Sic tenebat primo qua provincialis, et postea ut Vicarius Apostolicus. Ita in sua prima relatione ad S. C. de Propaganda fide scribit: »Parochi praefatarum 32 parochiarum omnes sunt amovibiles ad nutum episcopi et religionis simul cumulative, non vero privative, nam nec episcopus sine Religione, nec Religio sine Episcopo potest levare parochum. Unde nec vere parochi dicendi sunt, sed simplices missionarii; cum nihil absolute beneficii determinati habeant, sed puris emendicatis et collectis a suis parochianis sustentantur ipsi et socii eorum« (*Archivum Prop.*, *Scrit. Orig. Rif.* 1775, v. 841, f. 89r ss). Eandem expressionem postea alii Vicarii Apostolici transcribunt ad verbum; procul dubio hanc Dobretić relationem pro exemplari tenebant. Ita cfr. relationem Ilijčić apud Jelenić, *Izvori*, 91.

³⁰ »Ancora per abbagliare la vista di chi non lo sa... han dichiarati tutti e ciascheduno parroco *missionario* nella sua parrocchia mutando loro nome di parroco in nome di semplice amministratore e i compagni di questi dove sono, col nome di catechisti«. Et iterum observat ad responsum provinciae missum S. Congregationi: »Che nella prima parte di questa loro risposta sarebbe da osservarsi la particola posta »pro illa missione« (i. e. pro parrocchia Ljubuški) con cui la saviezza di questi PP. pretende di poter accoppiare il nome di missionario con quello del parroco per dire, che parroco è l'istesso in Bosna che il Missionario per scarozzare l'obbligo delle fatighe senza l'acquisto certo delle limosine, con quelle dei soli parocchi, i quali non sono senza guadagno«. (*Archivum Prop.*, *Scrit. Orig. Rif.* in Cong. Part. 1760, v. 126, f. 80r; 83v). Ille ergo non vult identificare parochos in Bosna cum missionariis; minus tamen recte interpretatur